

永樂大典

卷一萬三千五百
六

永樂大典卷之一萬三千五百六 二真

制 除官制九

宋高著齋後垣類藁直祕閣湖南運判項寅孫特授直寶謨閣權發遣潭州主管湖南安撫司公事制 重湖以南為重鎮久矣南以五嶺為限北以洞庭為封前志大其地為連有帥何擇非人爾脩能懿識充以過庭之聞弟昆成以材明稱固嘗命爾使于江漢使于岷蜀使于湖湘賦與漕將官脩其職茲從舊部改界中權進直寶謨兼華藩紱母謂長沙地橋不稱爾長 中奉大夫華文閣待制知潭州充荆湖南路安撫使楊恢特授知靜江府充廣南西路經略安撫使制 又勞于外有嘉漢侍從之臣不已于行復昇唐經略之任載頒漢號喜得坤朋具官某識洞裁先材超眾有習禮樂詩書之素明甲兵錢穀之方專去周行積膺重寄何畏于楚氛之惡何憂于蜀道之難方從新府以上功又聽重湖之謀帥素風寒當備數處而疾痛不止一方是使轍環當勞案從其性殿邦於桂麓其仍侯對於松階近倚綏懷速防窺聞地雄南服雖資臨長於列藩日下西清豈不

永樂大典卷一萬三千五百六

一

興思於半夜垂祗顯命佇奏膚公 中奉大夫華文閣待制提舉江州太平興國宮楊恢特授知潭州充荆湖南路安撫使制 嶺嶠雄峙居其南洞庭合流限其北重湖之右非重鎮乎不擇材而界之中權罔攸濟具官某以儒術發身以通材敏事每欲為時展究以自見予用以事任割屬不已于行北顧則分楚憂西望則投蜀寄使于江介方賴輯寧行使止左松如也爨彼韃蒙由蜀窺荆湖以南遂當嚴為守備庸命爾以藩符兼華帥錢母謂長沙地橋不稱爾長 中奉大夫華文閣待制知潭州充荆湖南路安撫使制 朕倚天西顧全界予有家謀帥坤維莫如我同姓比覽籌邊之奏式嘉破虜之勳弗躋禁涂曷重制府具官某望嚴而氣裕志大而氣沈早從兵間野有義聞變門討賊其勇足以奪三軍之心岷郡扞城其謀足以制千里之難中更蜀道之擾慨想宗臣之志故拔之於積毀孤危之餘而任之於敗軍江濱之際二才置傳每興用晚之嗟專銳出征終界為真之命提虎旅於仙原之北蕩羯胡於花峽之西燕及鞏城亦歸王土肆盼春日之詔俾亞夏卿之聯毋徂於既勝而驕士心毋恃其不來而把邊備更思長策以勵後圖徐謀整集必願投煥章閣學士知福州福建路安撫制 初統閩區而授錢允資八座之賢峻

媽閣以錫名。增重十連之寄。起家有命。咨眾無辭。其官趙必顯。宗國騰英。相門濟美。多識於前言。往行所至。有惠政。休聲臺閣。典章之司。皆其練。廟朝計謀之地。賴以彌綸。編歷乎法。從論思之班。周知乎戶版。生齒之數。不以簿書期會為末務。惟以邦國周度為素儲。嘗盡瘁以忘疲。不見是而無問。維時國任。頒命承流。三山牙森之俱高。八郡網維之兼總。必務保障。而黔黎樂業。必流清淨。而滄海無波。意德足以稱隆名。其益煥圖書之秘。政有以慰遐嶠。當如在畿甸之間。惟爾之能。欽哉。毋忽可。鄭起。皆立庵外。制和州防禦使。准西安撫副使。兼知廬州。呂文德。特授福州觀察使。侍衛馬軍都指揮使。總統兩淮出戰軍馬。捍禦邊面制。護風寒之衝。非宿望。隆名不足以奪敵人之氣。合雲屯之衆。非高爵厚祿不足以壯將軍之威。惟子傑。臣膺此褒。律。其官某。神鋒勁捷。膽略沉雄。勇蓋三軍。火矣。賊旬奴之志。身更百戰。毅然有良將之風。驅馳疆場之間。趨赴功名之會。命即就道。事不辭難。其正位於廉車。用提師於突騎。必可畏若合泥之虎。必相應如常山之蛇。禦侮折衝。雖千萬人吾往矣。論功行賞。豈萬戶侯足道哉。蓋肩乃心。毋替朕命。高著。齊殿。坦。葉左武大夫。連州刺史。右衛大將軍。差權廬州駐劄御前准西安撫司強勇諸軍副都統制。肅斌。因韃賊攻圍廬

永樂大典卷三十五

二

州貢率將士分任地分。極力戰禦。特轉三官。比轉特授志州團練使。依前職事制。商誥之賞。亦惟功懋。周誓之書。獨厚功多。苟成月三捷之勳。何斯日九遠之寵。用頒鳳綵。式畀虎臣。其官某。蹈義志純。賦安傑特。徒御憚憚。而不已。戎容暨暨。而有威。歷年于茲。多績用茂。頃權陞於遙故。且超進於橫階。志日益堅。功日益駿。乃者棘鞞肆其猖獗。淮淝被其憑陵。賈餘勇以率先。一鼓作氣。與眾士而同力。九却干城。用進戎圍。式昭膺獎。勉圖奇効。以稱異恩。文苑英華。授張濬特進守右僕射。依前充諸道租庸使制。勅。古者建官。取諸垂象。故左右執法。附于文昌。以總六卿。以提庶政。用人知本。邦國繫焉。一作與邦國。馬進賢。既協於喬公。致理詎宜於虛位。其官張濬。剛而能斷。寬則有容。保和而實孕元精。索隱而若陳洪範。他山攻玉。鮮類尚珪。九牧貢金。自成周鼎。先皇帝爰立作相。朕小子圖任舊人。每觀史輔之材。且致勤行之道。必將率眾由己。化兵為農。載胡越以同舟。混車書於外戶。志所未就。我實盡知。經營向在於四方。親愛未遺於百姓。雖聚財之任。不欲允煩大臣。而復國所資。安可有稽征賦。存居端右。兼陟榮階。得名器之所歸。在典章而斯重。永期弘濟。更集前功。可依前件。其冰儼。依江顯。授常州刺史。充親從第三指揮都指揮使制。勅。其官某。古者

永樂大典

卷一三五〇六

天子必有親軍。今之親事親從是也。爾沈勇忠實。夙夜有勞。比及三年。實
應遷格。仍都使號兼許州符。勉竭勩勤。以報榮遇可。未幾。授湖州刺史。
充殿前指揮使。左班都虞候。依舊押行門祇應制。初。其官某。朕有熊羆
之士。掌先後王以虞度。朕侯為職。其選嚴矣。爾糾糾武夫之勇。奮奮良士
之忠。比及三年。厥有成績。肆升華於州刺。仍祇事於行門。思懋厥脩。少寬
予恤可。李大聲。授武節郎。遊擊軍統制制。初。其官某。結髮從軍。累能
辦賊。戍濠備塞。以驚勇聞。今又進秩而陞於制府矣。沿江千里。使闕如羆
虎。當道朕何憂可。廉守正。授容州觀察使。持改添差兩浙西路馬步軍
都總管。臨安府駐劄。不釐務制。初。朕脩文德。以來遠人。棄細故而階大
道。凡列藩衛。並為王臣。其官某。生長殊鄰。振拔貴冑。截我淮浦。豈無嬰城
拒守之私。歸于齊疆。終有慕義來賓之意。昔涖撫於屬國。今召趨於闕庭。
涵濡華風。密適皇化。既擢升於廉使。仍典總於戎衛。朕方弘孝廟之規模。
爾宜効蕭已之恭順。往祇明命。嗣有寵休可。李實。授同州團練使。慶元
府兵馬總管制。初。漢虎賁宿衛。積久必遷。唐神策正官。依資改授。今之
三歲轉首。尚其制也。其官某。以拳勇選。以忠實著。既掌先後王之旅。又兼
左右廂之屯。比及三年。厥有勞効。正兵屯之任。陞總府之華。茲益優恩。爾

宋樂奏卷萬三千五百六

尚迪果毅。以對休寵可。劉廷美。授東義郎。開州刺史。充京西路兵鈐制。
初。其官某。襄州上流重鎮。適者叛賊。爾克。墜我金城。雖極兵之將。雖虎
能。罷之士。弗能。打。爾。目。樊。城。土。豪。乃。能。獎。率。義。旅。驅。賊。徒。而。殲。之。昔。人。稱。
一寨戶之勇。過於禁兵百人。予之謂矣。捷書夜聞。朕用嘉嘆。陞華進制。俾
總兵鈐。尚有功。見知之。意可。張天綱。授武翼郎。添差隆興府兵馬鈐制。
制。初。其官某。春秋書。浴于之。爵。漢。史。紀。陽。侯。之。封。既。日。來。庭。詎。無。錫。寵。矧。爾。
仕於偽國。隔絕中華。天討所臨。窮而歸我。朕以天地為心。靡不舍覆。如守
正者。挈屬內附。尚冠帶而臣妾之。則汝天綱。何惜武爵。戎鈐。不以畀汝可。
顏順仲。授直秘閣。兩浙運副制。初。其官某。二浙素號劇部。凡領轉輸
者。率為尹京之儲。紹興舊典也。爾閩英而智。敏擅而能。假守桐廬。蔚有善
狀。嘗未滿歲。俾丞大農界之畿甸之漕。亦可謂越彘比矣。仲尼有言。敏則
有功。公則說。毋恃其敏。而首奉乎公。朕深有望焉。可。其。之。官。公。小。德。集。大。
尉武泰軍節度使劉錡。授威武軍節度使。克鎮江府。駐劄御前諸軍都統
制制。門下執干戈。而衛社稷。文書方面之勳。其齋戒而設壇場。宜付杆
城之寄。顧予者將。為國元功。茲趣親以鼎來。適成師之選建。亟消剛且。誕
播明綸。大尉武泰軍節度使。知荆南軍府事。充荆湖北路安撫使。荆南駐

永樂大典

卷一三五〇六

劉御前諸軍都統制彭城郡開國公食邑六千戶食實封二千二百戶劉
 錡世濟英規天資義槩沉鷲有守跨山西六郡之良文武自將洵濟北一
 編之要頃時宿望起鎮上流草木皆知其威藜藿為之不采英漢隱若敵
 國志烈羌然李勣賢於長城名聲藉甚眷京口金湯之固接石頭形勢之
 雄外控大江內護行關諱三軍之元帥無易老成賜一札之細書遂膺號
 召載稽輿誦即畀中權更節制於督藩衍賦賦於多邑以珠在廷之聽以
 增推轂之光於戲得猛士以守四方朕既寬於憂顧屬大事而當一面爾
 益體於倚毗往恢壯猷以答休命可特授威武軍節度使依前大尉改差
 充鎮江府駐劄御前諸軍都統制加食邑五百戶食實封二百戶封如故
 劉俊村集蘇劉義持轉十官得旨將六官作三官於右武大夫上轉行親
 衛大夫三官作一官轉行遙郡防禦使餘一官給據可特授親衛大夫州
 防禦使左衛大將軍池州駐劄御前諸軍都統制制賞必職功宜首及
 軒昂赴敵之去時方多事焉可無奔走禦侮之臣迺進崇階以褒殊績具
 官某古山西之氏族今江表之英雄傳一編書與孫吳之意合學萬人敵
 笑荆霜之術跡下襄樊之精甲如建瓴拔漢鄂之危城於累卵雖東大臣
 之妙策亦資庫帥之協心位亞廉車秩超橫列執干戈以衛而既宣勞聽

永樂大典卷一三五〇六

四

筆鼓而思朕方注意益恢宏略庶答隆知可親衛大夫和州防禦使左
 衛大將軍知安慶府池州都統制蘇劉義為昨在重慶全城卻敵特授五
 官制襄騰戎捷坐收全取勝之功今獎戰多殊媿不踰時之義雖象元
 臣之方略亦資庫帥之忠勤具官某項提師于往授并給金城全壁數州
 脫鬼薄之危旣帳隕星萬里載帝祀而去相既歸衰爾亦擁麾及茲踐信
 賞之言示不忘前勞之意意武爵重橫行之秩舊典可稽廉車視法從之
 班中權增重可馬著勳位和宗寶謀開直學士朝請郎賜紫金魚袋李
 大同持授知福州充福建路安撫馬步軍都總管制英雄豪傑之才固
 有消磨於一得一失之際剛強堅忍之士乃或成就於幾獻幾則之餘若
 其閱理而歷年久則當遇事而眾理解用疇耆耆式畀中權具官某術業
 孔備材姿夙異秀發儒林之薄備史世道之難良玉自珍詎信終達於鼠
 璞方輪不斷其能強飾以稀膏自遭於朝不懈于位慶風雲之際會備朝
 夕之論思影影去國之身輕疊疊殿邦之望重用分符於長樂仍兼柙於
 全閩爾其循清淨為政之規達於從政爾其體平易近民之道律我有民
 往哉惟欽行所無事太府少卿總領淮西江東軍馬錢糧何元壽特授
 守太府卿仍舊淮西總領制江淮統財賦之淵自離狄難征役不休經

用不足以奉戰士。非通材習知本末源流。何可使治其賦。爾機賦庸教識。略沒明備。知戎情。深識特務。庀賦六路。以疆濟稱。移餉右淮。士得宿飽。觀器知巧。深所嘆嘉。肆疇爾庸。居卿司府。仍中與命。典領賦政。往服顯休。以永終譽。朝請大夫權發達。廣南西路提點刑獄公事兼本路勸農提舉。河渠公事兼提舉本路常平等事兼提舉弓手賽兵黃自明。持授直秘閣。權湖南轉運判官制。蜀氛不靜。武陵澧浦當為先事之防。湖以南接。則灌輸之職。又非昔比。不遵其選得士。爾以材猷端助。器業老成。閱歷歲深。任不擇地。故備知軍戎情。識當世務。顧方便而陳臬廣右。兼庀度司。官備其職。風烈藹然。易滑湖湘。陞華延閣。通道之餉。沉舟之役。無敢不供。往教厥官。嗣有明陞。朝奉大夫新差知贛州提舉南安軍南雄州汀州兵甲公事。江南西路兵馬鈐轄陳登。持授權湖北轉運判官。專一提督措置營屯田事。專一措置提督脩城。提領措置管軍糧制。分路揚鏡。以漕引庀司。則同湖右。越居上游。其占位。曰督管屯。曰供城築。曰督播種。事比諸道為劇。不遵其選得士。爾以文序早居異等。嘗行天下。半歸服玉官。素位而行。莫能枉吾直也。翔翔外服。馳驅原華。凡欲使而歷試。雖時材難。不宜燕豫。輒從大江以西。易使于湖以北。我任我輩。往盡乃心。太府寺丞

永樂大典卷五十五頁六

四川宣奉李文子持授直寶章閣成都運判制。予嘗以爾久游于蜀。宣聞之。開用命爾以佐師。治法征謀。於爾乎咨。蜀難未瘳。餉事滋急。漕將之任。爾蓋請知。昔者荐使蜀右。具有顯庸。管直寶儲。使于益部。往紆疾棘。以圖康濟。蜀右稱玩。其集英殿脩撰江東運副兼維西總領陸景思。持授權戶部侍郎淮東總領制。朕嘉與儒臣。精求國計。周官以小司徒掌務。唯人民土地之稽。本朝以四總領供軍。有錢穀甲兵之問。孰膺隆委。允屬通材。具官某。學該體用之源。家擅文章之錄。夙絲駿望。早上通塗。四禁代言。允茲潤色。十連為帥。式倚蕃宣。察其器能。政理之長。不在言語文字之末。雖精筆妙墨。揚雄寂其善鳴。然畫笏弄邊。劉晏本於道御。既勤轉漕。併總賦輿。惟六官服米。而版部寂勞。四鄙宿兵。而大農益耗。量入為出。計臣所以阜邦財。自西徂東。王人均於領餉事。其升從橐。仍駕使輶。諒無乏興。庶幾宿飽。意振甘泉之瓊。既高獻納之通。聽濟京口之航。宜賢誓清之述。略可漢平齋集。李江轉四官授武功大夫。依舊淮東路兵馬鈐轄制。初具官某。于台之役。大小三十七戰。而城降。士用命也。莫府上功。謂爾勇驚而敢戰。宜受醜賞。峻躋武級。懋茂海陵。報國赤心。更觀來效。可保謀集。黃自然。授直秘閣廣西運判制。初。桂海距天。遼逸一道。部使者之寄。甚

重匪輕。爾拔循良之望。陟隆名以寵其行。蓋知遣使臣以禮樂。言遠有光。華者如此。爾自然器姿宏拓。志節矯脩。治郡既以珠最。聞征舶提綱。非所以廣卿者。易節而南。晉之奎職。非但欲卿廣漕運而已。凡吏治之能。否士風之熾。惡。民生之休戚。皆惟觀米風。詔而施政。與教焉。績用茲成。不次圖任。欽哉。其無敷可。唐曰。若易天。長慶集。姚元康等授官。充推官。掌書記制。初。朝散郎行秘書省秘書郎。姚元康。儒林郎。試太常寺協律郎。鄭懿等。益部浮陽。皆大征鎮也。文昌全略。皆賢將相也。而能以禮聘士。以職任才。少聞得人。咸樂為用。况爾等。籌謀文藻。各負所長。苟能贊察。廉掌奏記。孜孜不怠。翩翩有聲。慰薦廢升。其則不遠。元康可試左武衛倉曹參軍。充劍南西川觀察推官。散官如故。懿可試左金吾衛兵曹參軍。充橫海軍節度掌書記。散官如故。宋王黃川。高集。授王扶。大理評事。忠武軍節度掌書記。制。初。將仕郎守大名府清平縣主簿。王扶。古人云。知人實難。而受知不易也。爾以文學策名。以廉平佐邑。而忠武軍節度使潘美。謂爾有折衝樽俎之略。縱橫書檄之才。爰上奏章。命為記室。且拜廷評之秩。俾增戎幕之榮。彼知人而不疑。爾受知而何報。勉思婉畫。勿忝初筵。文苑英華。授資。回鳳翔節度副使。崔澄。觀察判官。韓滉。節度掌書記等制。初。其官崔澄。

等漢詔子弟理郡國。必擇諸儒有材行者。以左右之。故韓安國王尊之。徒皆能守法相導。炯然可觀。而顯位高名。終亦自得。今朕以沂岐奧壤。而輔京師。推擇統理。皆從其請。意以南越之雄富。類東閩之招延。爾等。豈直陟金階。一作臺躡珠履而已。勉贊策畫。無惑孟陽。報恩。一作圖酬。知於是乎。在可依前件。共造盤洲集。湯思退。罷尚書左僕射。同中書門下平章事。兼樞密使。特授觀文殿大學士。提領江州太平興國宮。依前特岐國公制。門下家宰。佐王治國。意實注於安危。大臣以道事君。時具瞻於進退。惟雅望。火翊繁機。既彈上印之誠。宜厚秉鈞之禮。誕揚坦制。豐告羣工。具官某。跪宇清明。材猷超詣。樂堯舜之道。阿衡專美於有商。品淵濶之篇。揚雄度越於諸子。軒然俊域。籍甚要津。垣赫北門。假絲綸於雅語。從容右府。運帷幄之良籌。結慈陸之深知。應台階之上。象。專予綦紹。復俾質裏。積熙載之忠規。整安邊之潛慮。循名責寔。所期公耳。忘和應變。守文常以今而視昔。方仰成之無間。何引去之甚堅。選舉如皋陶。任孟尊於一相。事親若曾子。養已泊於千鍾。遂其膏藥之懷。失我和羹之助。茲推渥典。用責歸途。鼎秘殿之崇賞。食珍臺之優祿。式為股肱之義。以全體貌之恩。於戲。明哲以保其身。靡失青稊之舊。善性不形於色。可娛綠野之遊。無起遐心。斯能。

終舉高著齊名。領事資政殿大學士銀青光祿大夫知紹興軍府事充
兩浙東路安撫使趙善湘。依前資政殿大學士特授金紫光祿大夫提舉
臨安府洞霄宮制。飲截蛟之等。屢觀應變之經綸。結解牛之刀。深得保
身之明哲。肆徇祝釐之請。載隆增秩之恩。爰錫明綸。式昭異獎。其官某。機
猷敏邁。識略闡深。堂堂雄俊之賢臣。振振信厚之公子。材周於用。功多於
時。授曰之冠。成擒。塵清淮浦。持戟之士失伍。日靖海邦。為公姓祭酒而有
儀。蓋帝鄉近親。而不問。屢祈閑退。莫克挽留。用疏寵於文階。仍儲神於遠
館。意天議自朝廷。而就問。尚惟同姓之咨。忠臣在畎畝。而不忘。諒有嘉謀
之告。其祇顯命。以荷美名。集英殿脩撰提舉隆興府玉隆萬壽宮游九
功。持授寶謨閣待制。提舉南京鴻慶宮制。朝臣無有者。父魁壘之士。論
議通古今。憂國如飢渴者。此鮑宣所歎。朕三復斯言。而有感焉。其官某。機
猷碩庸。論議純實。雅有經綸素志。周游中外。望實具孚。既茂民庸。復剛權
索屬時疾棘。予欲得此者。成人以憂國之心。通古今之略。共圖康濟。顧乃
嘉遊。以繫身抗志。為懷。寓直西清。養閑真館。不欲奪爾志也。其圖永譽。毋
有遐心。權工部侍郎兼崇政殿說書牛大年。特授集英殿脩撰提舉江
州太平興國宮制。詩曰。獨寐寤歌。永矢弗過。傳者以為誓。不過君之朝

宋集卷之三十一

而先儒非之曰。此自陳不得過君之朝也。參以孟軻三宿出晝之義。當以
後說為信。爾材問老成。居以廉謹。自將歷官中外。盡而不污。執德固而制
行和。由使蜀來歸。留賓郎位。而不我肩。起諸家食。顧將引以自近。蓬省宗
星。鳩切經。惓惓乃右于彝憲。甫登禁角。易為浩然。而歸。諒其嘉遊於馬
道遙。加昇祠庭。仍陞論議。其深味詩人忠厚之旨。無有遐心。洪平齋集陳
堉。授中奉大夫直敷文閣宮觀制。初。其官某。朕親攬八柄。進退百辟。以
成調瑟之化。苟爵於先甲。當其材則申命之。爾濬乎無怒。疑乎有度。鵠乎
聲稱。江右繡斧之行。雖未竟乃功。亦既勞止。增秩進職於變化之前。今不
與易也。其祠均佚。善刀而藏。時方急材。尚觀新州之發。可馬碧梧玩芳集
翰林學士知制誥兼給事中兼脩史年子才。特授端明殿學士與宮觀制
朕惟哲宗元祐之初。嘉范鎮老成之望。陟延康之秘殿。錫以恩華。賦崇
福之真祠。遂其安選。用頒漢制。併獎蜀珍。其官某。人有典刑。學深源委。須
從劍棧。來瑞朝廷。忠言嘉謨。偉論豈殊於載轍。精華妙墨。英詞未遜於淵
雲。被遇先皇。火登法從。比纘鴻齒之始。實傾黃髮之詢。肆疇學士之真。執
若禁林之老。以疾來諗。拜疏不休。勞侍從而厭承明。其殫儉切。專精神而
輔賢藥。宜聽優游。超昇渙綸。式稽故典。入關而性多病。已遂留侯之高風。

永樂大典

卷一三五〇六

在配而志不忘。母賢更生之直節可。吳沐鶴林集侯忠信授左武大夫依
 舊官觀制。初朕聞先王以立武為善經。中國以除戎為大事。儻能稱職
 何愛賞官。其官某。沈鷲而有謀。朴忠而能勇。兼麾海道。馳驅戎馬之間。喚
 伏闕門。服習禮文之內。雖在祠庭之均。伏每思武庫之前勞。正緣控陳。茲
 用褒推。因之以戎國之任。華之以左武之階。往其欽承。服此嘉命可。王
 安行。守持授州防禦使。依舊官觀制。初橫班序爵。固存定法之常。解帶
 還官。或出特恩之異。其官某。韜藏武略。曉暢戎情。策定遠之城。以身而護
 塞。調安豐之卒。不踰月而擒胡。右韆之賞未酬。左武之階猶舊。爰念勤勞
 之大。肆升捍禦之班。仍佚祠庭。武對宸渥可。蔡興。授州團練使。提舉官
 觀制。初析父之詩曰。王之爪牙。胡轉予于恤。夫不轉于憂恤。而轉于安
 佚者。是因六軍之士所深望也。其官某。沈毅而勇。淑均而良。神策諸軍。既
 共武衛。濠梁大郡。火帶戎圍。今旅力既愆矣。武正使名。昇休禁務。尚體閔
 勞之意可。希謨。授州防禦使。依前皇叔提舉佑神觀制。初其官某。端
 肅嗣秀。玉於屬為近。而爾於王為子。於朕則父黨也。王不幸。即世遺奏。一
 官。閱十年而後陳請。朕甚憫焉。落環衛之階。正軍防之任。爾宜敬謹勿墜
 家聲可。與舉換授吉州刺史。提舉佑神觀。仍奉朝請制。初其官某。麟

永樂大典卷萬三千五百六

八

趾之詩作而周家威鴻寶之書成。而漢祚隆。宗享得人。磐石增壯。爾天潢
 之秀。禹穴之英。令于容臺。承于棘寺。既開禮法。矣國家。換授有典故。以廬
 陵送刺命之。俾奉會朝。仍昇祠廩。體予睦族之意。懋乃維城之庸可。希
 丞。換授皇叔右監門衛大將軍高州刺史。提舉佑神觀。免奉朝請制。初
 其官某。周封三叔。而伯不獲。是分唯不尚年。蓋昭德也。爾位厚。世濟溫文
 性成。於宗屬為親。於榮邸為近。於朕則父黨也。而克自抑畏。不期侈驕。既
 多淑聲。宜有異數。於是。以爾內領諸衛。外牧方州。佚以真祠。免其朝請。朕
 之展親至矣。敬服王命。益懋乃庸可。希丞。授蘄州防禦使。仍提舉佑神
 觀制。初朕紹帝統緒。思皇本支。凡隸親賢。率躋尊顯。其官某。出高明之
 胄。履忱恂之德。於屬則近。於文恭為尤。於朕則父黨也。曩分遠刺。既厚祠
 官。今秩軍防。仍免朝請。朕之所以待汝者。亦厚矣。汝其思祿位之難稱。念
 燕安之易懷。庶於宗盟。可永終譽可。與丙。換授揚州觀察使。提舉佑神
 觀。仍奉朝請制。初朕惟周隆母弟之親。人為仰士。唐高諸王之愛。迭處
 京師。懿我熙朝。兼此異數。况申之以換文之典。而優之以錫觀之恩。非曰
 爾私。寔惟予。其具官某。出神明之胄。躬儒素之風。端介不擾。于中甚德。而
 度紛華。無奪于外。大盈若冲。朕寄追惟榮邸之主。因篤親支之友。故自大

宗而陞歸監錄少理而擢西廂凡所屢遷亦云殊寵然仁人之於弟當循法度之公而君子之於親不以姑息之愛用易廉車之節仍共真館之祠若曰孟侯毋慢家人之訓其惟吉士永陪京室之朝可與芮授武康軍承宣使依舊提舉佑神觀制初朕監觀烈祖厚禘宗盟謂漢王之屬當序遷越矣英宗之識以皇弟之恩不可殺懿哉神考之謨豈予親炙獲此得典其官某氣詔而質美行介而知良有芳斯猷不倍于責出則幹于侯方惟汝美入則儀于朝序惟汝嘉遂超廉使之華徑典留臺之重仍祠真館日奉使朝朕其弟封既已篤廣親之愛命作冊畢尚其需疏爵之榮毋逸有邦毋懈于位可謝來伯換授新州防禦使提舉佑神觀先奉朝請制初東漢后族不過九卿國朝戚里不除侍從雖服文雅必換武資蓋公法也其官某履行孝謹稟資溫純出王謝之故家為鄧陰之尊屬而不有責貴蔚然儒風進女誡以奉坤儀緝聖謨而裨乙覽肆予嘉歎示以優恩擢從戎監之班對授兵防之任非特私於名器亦庸寵乎才良益茂先猷以快甄擢可謝來伯授州觀察使仍舊提舉佑神觀免奉朝請制初朕惟先王建國親諸侯何分異姓伯舅加勞賜一級當有殊恩矧伊近戚之尊宜愛懋官之寵其官某器懷競爽儒雅好脩雖胄出相聞而不以

永樂大典卷萬字音六

相聞自高雖媿連掖庭而不以掖庭致貴每說學於搢紳之園曾華名於俊達之場固曰汝能當為朕屈昔野王以德顯尚難陪與於列卿而與侯以經名不過徒封於東國爰覽撫章之上既知故典之詳仍答男邦進升廉察母曰爾身之在外尚思忠德之復君往承之休以輔予治可高者齋薇垣類藁朝奉郎直秘閣主管佑神觀喬通孫持授直華文閣主管佑神觀制不懈于位有耆壽俊能世其家有賢子孫彰德旌賢孰先斯者爾材姿醇亮術業脩明聽祖訓所逮聞薰陶成性留東閣以觀士淑文得師畏名迹以不居恬榮利而弗顧昔者震有傳家之賜導有踵德之詢人以是期爾世家朕因之嘗欲玉女肆陞媽閣仍領京祠往敬爾官式光厥紹朝請郎羅愚持授直秘閣主管建康府崇禧觀制予念我先神后之勞爾父能勵相我國家肆用登爾于朝屬更化斐為民選侯爾以見大夫在行嘗從臨遣詔以清勤典聽朕言咸能稱塞屢更麾節率以最聞式邁其歸乃辭以疾肇陞延閣仍畀其祠其服顯休圖濟世美馬碧梧玩芳集謝堂持授華文閣待制提舉佑神觀免奉朝請制十連為帥方預謀顯聞之英三命益共竟莫道循墻之請媽閣特陞於侯對珍臺仍領於內祠謙柄有光漢駁示寵其官某風猷明浚材術疏通生重侯累將之門豈軒

冕之為貴得經生學士之趣有詩書以自娛舉其理人御衆之長付以
府作牧之事南閩之寄甚重豈輕選掄東山之志不渝疊形冲遜吾汗為
反汝志良嘉得非高才大纛之榮不易綵服班衣之樂松階峻陟仰瞻虞
帝之華藥館自怡獨挹浮丘之袂併謁朝請庸表寵嘉噫共理而無愁恨
之民朕方課漢循吏之績遜職而有慙慙之疏爾乃希晉賢戚之風益勉
今猷副膺殊渥可斯庵任希夷集其琰特授太尉前提舉萬壽觀制朕
祇荷皇圖之重仰懷祖后之慈崇四姓之小侯聿稽漢制主五兵之大柄
式踵秦官念厥秩之久虛惟其人而後昇肆楊詔冊誕告臣工具官某和
易而端良誠忱而通敏人咸稱其長者已尤篤於小心進列朝廷抑抑威
儀之度退安里第温温孝友之風高貴無驕侈之思言行絕悔尤之累顯
被累朝之遇夙分大業之光比者宗祀之熙成既以戶封而申命載惟德
聖之盛烈保佑實深有加申伯之良翰褒賞宜厚賜非常之渥并予掌武
之階蕩節調戈仍領維藩之寄珍臺琳館更從均佚之游併衍真腹增陪
多邑於戲右賢左戚固應異數之並隆慈滿好謙矧乃平時之素履其服
寵光之茂采宣譽處之休繁爾老成美頌訓誥玉珪華陽集文秀傳授依
前檢校太師尚書左僕射同中書門下平章事成德軍節度使判太原府

永樂大典卷五十三

十

制門下恭大河之東領太原之道西折畔卷之侮左制據胡之衝每折
寄於關符必圖良於邦翰通時靡頽之舊往殿股肱之區命告剛辰警宇
羣聽具官某氣嚴而中裕道粹而外馳達古今治亂之原洞文武地振之
略自振藻於昌會並揚聲於過塗參疑九德之忱進履大僚之服居則幹
天元化靡萬類之弗熙出則道國寬條固幽情之不達兩踐中階之冠比
均留蔭之司勤勞邦事之圖任再歲陰之隔按常山而從節即按路以陞
聯雖懷仄席之思終賴撫邊之寄矧叔虞之舊壤有全晉之遺風道俯松
旂應待齊旄之駐朝期竹馬或先縣弩之驅茲茂常恩亦華素志於戲槐
庭贊道既高儒者之榮玉帳論兵又極元戎之貴惟忠盡可以圖永非威
惠不足服人矧屬老成詎煩深訓可劉後村集石武大夫徐安民昨知岷
州半年間運米三十六萬石上獲特授左武大夫依前帶行御器械知江
陵府制漕粟於邊從古通惠沉舟之役泝江尤難既能體國以服勤焉
可踰時而吝賞其官某為將則頗牧牧民則龔黃頃守夷陵有勞餉道三
峽倒流之險跣步其前萬被連櫓而來銜尾不絕馬騰士飽師克凱還雖
旌麾移於清宮然功狀上於幕府意進之左廣峻品秩於橫行昇以中權
託藩宣於連率可為碧梧玩芳集洪勛特授華文閣學士知寧國府制

永樂大典

卷一三五〇六

雙溪疊嶂之清古多賢守一札十行之寵今用詞人睽予太常伯之尊列
在東諸侯之上假侍從清華之職為近臣出處之光其官某行有宮庭文
諧律呂家學克承於堂播父教之忠詞垣繼掌於絲綸世濟其美踐啟既
久聲實具乎每嘉簪素之論思有味屢甄之啓沃屢勇解於豹尾俄深遊
於弋鴻諒其進退之宜副以蕃宣之寄意聽尚書復暫違嚴徐近侍之班
懷太守章往時眺白詩人之賦歌襦孔適召履斯還可 宣奉大夫楊棟
持授首政殿學士知建寧府制 執政吾股肱嘗共一堂之寅憚郡守民
師帥尚資九牧之阜成陟秘殿之亨班拊儒書之舊國具官某鈞深致遠
實大聲欲君子多識前言茂明古學儒者在朝美政屢告宸猷自秉事樞
晉陪機務本精神之相得亦禮貌之未衰有政其與聞之吾方倚重責言
不可償也人或求全升之隆名付以鉅鎮蓋曲全於進退仍允賴於蕃宣
意考亭義理之源上沂關洛建安文物之郡速比泗洙平時既熟於講明
今日遂施於教化卿優為矣朕有望焉可吳泳鶴林集張可大授顯大夫
添差淮南西路馬步軍副總管依舊知壽春府制 和其官某壽陽前控
陳穎後蔽光豐寔今南北重鎮爾忠忱果毅為諸將所推往來其障於諸
叛連衝之衝乃能脩築城堡調壹歸附獨隱若一敵國焉亦可嘉矣何惜

水樂大典卷三萬三千五百六

十一

一階不以旌汝益壯爾猷嗣有履用可 李虎授左武大夫依舊達州刺
史知淮安州制 勅趙苞對陣之語孰如徐庶之思念其親温嶠絕裾之
風豈若馮勤之貴顯其母不圖薄俗復見斯人其官某曾出山西聲馳漢
北既槍而刺无患頭清淮海之塵尺華而鞭羣兇盡拔高郵之職功雖高
於李愬義弗背於張飛堪言護草之懷用有崔第之請載披柔贖持晉某
隋求忠臣於孝子之門既膺妙簡令刺史居牧伯之位仍懋顯庸多而戰
功尤我休命可高著齋微坦類素朝請大夫直秘閣主管紹興府千秋鴻
禧觀樓治特授和嘉興府節制湫浦金山水軍制 親承旨切於風道
言武瞻儀刑優於習禮度此以薰美言也朕於論世以是得人為多爾父
以駿假輔我先后時為世儒宗學者仰之爾得諸庭授博所見聞用能出
入中外咸有績譽再奉計最以歸方從卿聯以光厥紹止或尼之恬如也嘉
禾輔藩匪賢不昇往宅乃牧武表象賢 承議郎充成都府路轉運司主
管文子郭仲連特授權發遣紹興府制 三榮望郡也千里宅生之寄在
守臣寧得不違其選爾以伐閭故家歷官所至醞釀醇厚之風陶如也崇
陵未邱厥寄匪輕分錫藩符往其外治懋敬我母謂天遠 司封貢外郎
邢凱特授直秘閣與州郡差遣制 予惟耆壽俊在厥服乃足以重本朝

永樂大典

卷一三五〇六

肆用錄爾民廣舍于主爵潛華郎省未展厥猷顧爾少有四方志恬守一
 官復惟錦如自持力詭一麾思以治理效自見用嘉雅尚進直道立往服
 恩煒益圖報稱朝請大夫守宗正少卿兼國史院編脩官實錄院檢討
 官呂午持授權知泉州軍州事制清源為郡風土淳而民物阜與我共
 理其惟良二千石乎爾業履瑞郡材猷浚明嘗挈外庸來游玉所知而不
 肯茹柔吐剛也則真諸松容以逃官邪以疏政弊以詰軍慝成能敏事稱
 職宗籍文廷方將賴汝顧欲說一麾以行其志肆庸作命宅是南邦往即
 康功庶有返命韓維南陽集樞密直學士給事中傳求可持授依前給事
 中充龍圖閣學士權知開封府制初唐臣有言曰輦轂之政務先彈壓
 蓋大衆之所居方國之是則浩穰難治威愛是兼爰咨尹正之明以首風
 化之地以爾其官某質厚有守和易不流邊聞外條屢觀能於煩使某塗
 營職久進寵於通職向進拔於時才嘗攝治於京刺權衡不撓抱鼓沈聲
 爰加甄擢之私式佇肅清之效召自朔秦委之神畿錄擢斗之華資陟河
 龍之祕序無替前致庸稱茂恩可劉後村集阮思聰援蜀之功賞木酬勞
 鄂渚水陸戰禦獲捷非一特轉十官授州防禦使左衛大將軍知黃州制
 予奔走禦侮賴其張輝於國威賞輕重職功將以激昂於士氣延超武

永樂大典卷三十五頁六

十三

爵以獎戰多具官某沈鷲善謀策雄健閱礫石膏餘勇旃裘膽落而失
 驚執戈為王前驅日月身輕而可踰推鋒而巴峽枕真逆旂而漢江鏡清
 佩專城之左符亞廉車之一等威稜遠播有漢家飛將之名位望浸岳如
 卿子冠軍之號其祗新渥益勉壯圖可馬碧梧玩芳集大中大夫常擬授
 寶章閣學士知漳州制初朕參稽師言如持衡尺愛惜臣子如護珪璋
 苟能守道守官允藉為網為紀雖責言不可償也然有過人皆見之斷自
 上恩優之外服假侍從清華之職為近臣進退之尤具官某夤雅高科沒
 登華貫自論思獻納峻升文石之班絲綸色討論遂陟黃扉之秩既優居
 於二省爰寵昇於一麾王道無黨無偏本乎至正君子或出或處初亦何
 常憲南漳名藩西清妙選及瓜而代尚觀千里之歌孺與環則還何待三
 年之奉計增而諒節體我眷懷可胡文恭公集賜梁適特授依前行尚書
 禮部侍郎知鄭州仍改賜功臣制門下機機政之煩均屏翰之逸左右
 脩輔蓋涉恪之久勞內外肆勤在春吐之一體爰正庭號用告朝倫具官
 梁適局致夷通性業閑爽入我殺英之選參于素從之華召自複門侍于
 通問稼貸書於明命備進請於丘墳嘉話納於論思敏用彰於強濟鄰國
 制聞之效推茲本兵之司職典樞機地親帷幄亟參聞於政道邁敷災於

辰階出入五年周旋二府可應此作變異重仍育有煩言達於子聰曾淑
 聲之其建在清議之希平屢上封章求還印綬朕思全進退之體務崇始
 卒之恩參錄舊勳尚仍前秩以春官亞旅之重滋黃圖右壤之雄臨長鄭
 人班錄漢詔於戲台宰之職任國之綱維秉輔之邦陪京之襟帶往服茲
 命尚體至恩唐白居易長慶集知渭橋院官蘇洵授負外郎依前職前進
 士王績授校書郎江西巡官制 勅某官蘇洵嘗以幹良分領劇務受任
 稱職主者上聞績既有成貴安可闕前進士王績亦以藝學籍名太常著
 其令聞及此慰薦一以課進一以才升咸加班禁同以褒獎臺官校職兩
 各欽承可依前件 衛佐崔蕃授樓煩監牧使判官校書郎李景讓授東
 畿防禦巡官制 勅某官崔蕃等咸因文行自致班序或佐衛蘭鈞或典
 校蓬山各從所知將展其用夫司牧州野備禦都畿所以班馬政而遏寇
 虞也茲皆重務爾勉贊之可依前件 授柳傑等四人官充鄭滑節度推
 巡制 勅試太子司議郎柳傑等古者公府得自選吏屬今仍古制亦命
 領任鎮者必先禮聘而後升聞矧鄭滑帥承元翰忠仗順炳焉有大節於
 國奉上益下實藉察宋以左右之而傑等或錄飾詞華或貯高才行揣摩
 思誠以待已知宜展籌謀用光慰薦傑可某官充鄭滑節度推官 楊子

永樂大典卷五萬三千五百

留後殷彪授金州刺史兼侍御史河陰令韋同憲授南鄭令韋弁授絳州
 長史三人同制 勅某官殷彪等今之郡守古侯伯也今之邑令古子男
 也於吏有君臣之道焉於人有父母之道焉郡邑之間未上率下者州長
 史也凡此之官與吾共理使吾人安而無怨者其在吏良而政平乎金秦
 之郡也秦昔專遠待行異政以處清平信惠臨事能守小大之職率著名
 績故仍憲簡俾往牧之南鄭梁之邑也上有時帥無憂擊村以回憲河陰
 有政可以移用故換銅印俾往宰之而絳為名藩弁實良士命之贊貳亦
 叶其宜宜各悉心脩舉三職可依前件 某度韓外等各賜一子官并授
 姪女婿等制 勅某官某等謁廟郊天改元肆青是為大慶與眾共之矧
 朕肱心替之臣與吾同體延賞任子其可廢乎爾等或以文華或以吏職
 有所脩立稟於義方自當履升况霑慶澤俾舉展親之典用叶推恩之道
 猶子愛婿各命以官爾其敬承無忝朝獎可依前件 崔植一子官迴授
 姪某制 勅丞相植典職樞務亦既逾歲而能明我目達我聰左右我躬
 以底于道况屬郊祀攝贊大儀寵錫之闈植宜加等而念其猶子乞川推
 恩既叶舊章允膺新命其姪某可某官 蕭悅一子迴授三從弟仲制
 勅吏部尚書蕭悅項在在庭時逢郊禮大行慶澤先及輔臣當延賞於胤

嗣。願推恩於友愛。厥有典例。因而從之。咨爾弟仲。可恭成命。可河中府參軍。李愬。李願。薛平。王潛。馬總。孔戢。崔能。李翔。李文悅。咸賜爵一級。并迴授男同制。勅封爵之設。在乎賞勸。有以褒德。有以序勳。聳善興功。實由茲道。而某官李愬等。或望崇台鼎。或委重旌旄。爰及藩條。共分憂寄。有勞於事。無怠于心。宜疏爵以答封。許推恩而及嗣。祇受厥命。永孚于休。可依前件。入迴紇使下軍將官吏夏仗仕戡等四十人。授御監賓客諮議衛佐同制。勅某官夏仗仕戡等。前命鄭權之入迴紇也。爾等參護使車。用祇王命。悉心盡力。有恪恭跋滯之勤。馬宜以省寺軍衛之班。官坊府邸之列。舉為賓典。分以寵之。裨等旌勞。於是乎在。可依前件。西川大將賀若本等一十二人。授御史中丞殿中監察及諸州司馬制。勅丞相鎮蜀志在憂邊。俾靜蕃蠻。實資將校。故加寵任。以責成功。某官某等若干人。類例勳勞。進登班秩。憲官名重。郡佐祿優。參以命之。足為榮獎。爾宜恭承主帥。慎守封疆。戮力一心。無落戎事。可依前件。烏行初授衛佐制。勅烏行初重胤之子。早稟義方。詩禮弓裘。式聞不墜。賞延之典。本勸忠勳。環衛之官。兼資慎擇。非唯父任。亦以才升。可左衛胄參軍。翰林待詔李景亮。授左司禦率府長史。依前待詔制。勅某官李景亮。夫執藝事上者。必揆日

時計勞績。而後進爵秩。以旌服勤。况待詔官。闕飾躬晨夜。比於他職。宜有加恩。官坊衛官。以示優獎。可依前件。勅某官某等。或以忠勤。勤彰於侯正。或以奏獻。著彼勞能。况侯蘊。李仁誨。親奉禁營。始陪輦路。不有遺命。將何勸人可。授郿州判官王堅。檢校兵部尚書王彥瓌。荊州長史程佩恩。州司馬制。勅迺春。雕陰仍歲。征討厥土。既壻薄土。也恭昔切其人。用勞誠節。是圖貢輸。無怠而堅。等能奉連帥。來為使臣。不有超昇。孰旌優異。五兵重秩。式耀賓階。與夫進典。于丞郡之榮者。皆拔茅連茹之謂也。可依前件。湖州烏程縣尉李忠等。授官。仍量留等制。勅某官某等。青社嘗漢之守。臣各脩職貢。俾爾來朝。實冒險艱。所宜酬獎。有以兼廷評之命。而許留於官。有以移掌度之秩。而與夫振臨海者。皆遂爾畫錦之榮也。可依前件。授張墓。端陵丞李頊。虹縣主簿裴昇。新井縣尉等制。勅張墓等。或圍陵攝官。屬藉吉士。宗正以其事跡。貢表薦揚。裴昇等各以去任。在官勞績。深自論列。情有可依。丞簿陵邑。各從資序。可依前件。授宋

郁廣都尉。王去惑臨安縣尉。王溥顏煜鳳翔文學等制。初太宗文皇帝
論學書骨力。喻政化根源。朕既達微言。則思觀真跡。又欲廣書籍之府。以
正是非。存忠烈之家。以勵風俗。三者皆吾夢想也。而宋郁等進獻論列。有
以副焉。丞簿文學用酬其意。可依前件。韓維南陽集守温州瑞金縣尉文
即守持授廣州增城縣令制。初某盜發不得有常罰。獲者顧可以不賞
歟。縣令朕之所重也。爾以勞處。其知自勉。可。唐元稹長慶集劉忠通授謁
者監制。初宣議郎內侍省宮閤局令賜緋魚袋。劉忠通願吾愛之。俾在
左右。將我寡命。達于四方。去盡行人之詞。運致諸臣之後。言必忠信。事無
尤違。使朕不出戶而知三軍之意者。爾有力焉。深念其勤。將以為報。階秩
兼進。用示恩榮。各依前件。諸使收淄青叙錄將士等授官爵勳制。某
等能執干戈。討定逆孽。功懋懋賞。厥惟舊哉。分命庶官。秩建五等。次用于
十有二勳。式示等威。蓋以勞之大小為上下也。杜牧樊川集新羅王子金
元弘等授太常寺少卿監丞簿制。初某臣等感恩知義。奉贊不闕。居大
海之外。為有禮之賓。爾國是也。自列國卿至于署丞。皆吾文吏之選。次第
授爾。亦所以表他國不同禮也。將我恩寵。耀爾殊隣。慎勿怠違。永作藩屏。
並可依前件。仍並放還蕃。韋宗立授檢校倉部員外郎知鹽鐵盧壽院

等制。初權知鹽鐵盧壽院事。朝請郎侍御史內供奉韋宗立等。近者恢
復河湟。訓定羌虜。江湖之間。人安而不擾。供饋之費。財有餘而力不廢。實
由管推之名臣。今者尚書休以爾宗立等上言。咸曰清白處已。勤謹奉公。
予安能知無不可者。暨頌與潛皆稱名士。自有丞相為爾已。知守職佐藩。
無忝新命。可依前件。武官授折衝果毅等制。初具官某等。夫折衝果
毅。皆吾武位。以延勇士。國朝以此進立。戰功至將軍者眾矣。自府兵一廢。
名存實亡。今之來者。豈其人哉。近以邊障隙開。寇戎患結。豈無萬人之敵。
奮於下位之中。但使披文。空增拊髀。並可依前件。李衛公集授鄭裔綽渭
南縣尉直弘文館制。初宣議郎前行京兆府參軍驍騎尉榮陽縣開國
子鄭裔綽。昔漢武帝云。有杜稷臣汲黯。近之矣。緬懷先正。實邁前良。况兩
代持衡。皆有貞節。守正去位。遺風凜然。爾生於德門。早服儒訓。黃金不遺。
惟守於一經。白環比德。方榮於四代。嘉其勵行。不預令名。俾從丹地之游。
佇繼緇衣之美。可京兆府渭南縣尉直弘文館散官勳如故。宋蔡端明集
李士隆授濟州任城尉與萬戶請受制。初具官某。耐能除盜。時乃脩官
格。有叙勞。茲用推賞。易居近邑。增昇奉祿。勉圖牧職之勤。益荷懋功之美。
李絢男柝持授太常寺太祝男柝將作監主簿制。初某官某男某等

永樂大典

卷一三五〇六

朕念乃父早中科選以文華深厚而居詞命之職以符智敏明而付浩穰之治方膺外補奄爾淪逝錄其嗣子以伸予懷或違與禮臺或廢名匠寺並為優寵勉自進脩承景文公集吃咩族軍主吃埋將校銀酒監武制初吃咩克奮忠勇禽破亡叛赤心保塞見効可嘉俾煥寵靈還主也部可曾輩元豐類案知制誥授中司制典掌明命總持憲綱非傳學有文強毅忠篤曷可以兼斯任哉某志行清夷材資敏達更踐內外試用惟允論思禁掖肅政朝端朕自朕知拔於不次惟明於體要可以允於訓辭惟公於是非可以施於判督尚懋厥守方觀爾能驍駒陵陽集周僅等授官制初具官某職文之貴遠自尚時念汝服勞賜之爵秩可乎璧鴈湖集沈高黃祀開辰之陳孟堅制禮成泰時思洽綿區爾等善積于身齎衍十表耆老之誼特命以官華髮青衫往教閭里朱邦光制紫壇竣事澤遠高年爾身見六朝齡衍十表因其子請特命以官推我至恩俾民知孝劉後村集承議郎諸軍計院充江州分司檢閱文字成公某為拘確茶課及數特授太府寺主簿依舊任制事非才不集而有才者或過用其才朕甚患之爾宰邑監郡有治辦聲使之治賦未嘗施繆巧事操切而歲計之有餘庶于善用其才者薄正外府以旌爾能毋廢前功對越新渥可

永樂大典卷一三五〇六

李璵效順本朝請贖父過既歸連海之境去復獻山東之版圖義槩忠忱古今鮮儼節鎮王爵恩寵宜優可特授保信軍武軍節度使督視京東河北等路軍馬齊郡王制其故父全特與追復官爵改正日曆今所屬討論施行門下臣子之情尊君而愛父春秋之法內華而外夷載加蓋世之家首決歸朝之策凜義舉英風之鮮儼超勳階爵級之常彝誕播絲綸肆盼印節李璵關河間氣淮海俊人市駿骨而捐金招徠遺軼聞雞聲而起舞寤寐功名感幸有為戎之言抱魯連蹈海之志慨思爾考被過先皇屬遣史之疎庸致勳臣之跋扈朕述舊事諫升亦之初心爾效庸公欲雪清於前垢既舉連海歸職方氏復奉淄青入王會圖無疆界彼此之分有車書混同之漸王猛發正朔相承之論勿晉為圖馬援知帝王有真而來於漢專意英雄所見今古略同是用加兩鎮元戎之榮峻二府督師之拜珍草地之通虜分茅土而作齊少慰立身揚名之心併下改史復官之詔於戲吳起守西河而事魏國未聞並擁於齊旄太公表東海而封營丘孰若徑疏於王爵永有忠蓋式對寵褒可口宣有初卿擇主之誼高歸疆之功大擁將旄於淮蜀胙王社於青齊以勵英豪以獎忠孝茲為異渥益懋壯圖許應龍東澗集何李羽將一官回授與父何璞制立身揚名以

顯父母此人之至願也爾子季羽擢第奉常通籍軍邑欲以慶恩一棧
 增封其父特從所請俾遂榮親之志允為異渥尚克欽承焉碧梧玩芳集
 新除秘閣脩撰洪天錫特授侍御史制 朕以眇躬玉膺大統元祐嗣服
 用劉摯居臺端隆興初年擢十朋長御史爰考兩朝之成憲特招先帝之
 直臣其官某學問淵深風采凝峻秋霜始擊嘗勵志於鷹鷂歲寒後凋不
 改柯於松柏迪惟烈考嘉獎端良外咨禮樂之光華內典圖書之清重翔
 而後集蓋歸乎來肆朕慕承首加號召惟初政之得失關言路之重輕今
 無大夫中丞合峻躋於橫榻古有法家拂士宜密侍於細氈若德績熙朝
 綱爾穆唐介論事益無避於重來蘇軾陳言莫有聞於人侍增而諒節對
 我龍光可文苑英華授崔義進侍御史趙光裔鄭祁殿中丞李皎監察等
 制 初崔義進等吾近以風憲之任委諸名卿中外肅然行其振舉果於
 掄選能撥菁莪且言澄澹兼舉進退由禮句義進之脩整也無怠句墻岸
 山立句時情藹然句光裔之峭稍疑也不黨句英華發外句清勁積中句
 祁之蘊蓄也無多謝於前脩句聞善若驚句履蕢不止句皎之砥礪也頗
 自操於遠槩皆克符告訓來為聞人俾之整肅周行懲艾風教一作教皆
 可從觸邪指佞庶有可觀爾當其才朕俞其請各揚厥職懋對天休可依

永樂大典卷萬三千五百六

前仲高著齋殿垣類彙朝奉大夫推通判黃州軍州兼管內勸農營田事
 高行孫特授行籍田令差遣如故制 黃馬淮壩重地謹護風寒非良邊
 垂之臣固與共守爾出名閭為郡別乘當國荒民流之衝具宣勞勩宜惟
 十里嘉賴長江停波爾與有力焉權司帝籍式華半刺尚懋績以承天休
 潼川路運判李文子行太府寺丞西川宣撫司參議制 蜀離狄難予
 假蜀者舊以樞筦往宣國威匪簡乃儉雖愛莫助爾材猷敏劬游蜀道有
 年矣地勢之險夷人物之細大兵力之堅脆財計之虧盈咸所練習旬宣
 求助惟爾為良進丞司府往其參謀式過裔謀俾民康共則爾主賓尚有
 辭于蜀 具甲授軍器監丞四川宣參制 蜀離狄難故假鄉老以樞筦
 之重就宣國威簡僚為助予望其盡擇賢焉爾學問醇正氣稟剛明事印
 軍諮冠至不去備更險難一節弗渝宣暮聚彥而長表聞以爾參謀望府
 予稽于衆僉云是足以鎮羣輕矣進丞武監式表朝掄宜疾爾驅往從其
 長鄉國之難未紓亟圖叶濟衛後樂先生集太中天集英殿脩撰知隆
 興軍府事兼管內勸農營田使王管江南西路安撫司公事馬步軍都總
 管施康年特授寶謨閣待制依前官職制 五材誰能去兵方飾臨邊之
 備八柄將以馭責爰疏違律之恩矧候對之清班擬內朝之近侍式致書

賢庸示眷懷其官某德宇粹溫器資方重憲臺諫有風采凜然農扈軍條
聲稱藉甚比厭承明之直往分帥聞之雄屬疆場之多虞選戎徒於諸道
簡稽有法期會靡淹茲峻陟於華聯示寵褒於良翰雖義存體國初何意
於論功然賞不踰時庶聞風而知勸祇承新渥益慙速猷可矣泳鶴林集
齊仲甫授額外翰林醫官沈仲齡授額外翰林醫官制 初具官某人等
禮曰執技以事上者不貳事不移官爾等固醫官也給事東朝歲月滋久
近以附于太室各進一階階可升也官不可移也往其懋承之可 刁起
授宗學諭兼景獻府教授奉議郎戴杰授武學諭制 初具官某等古者
師氏教人以事而論諸德國家之學校置諭猶古意也爾起年者器邵爾
杰才老意新俱有聞于時朕謂起掌教外宗故命之訓迪宗序謂杰常分
教天府故命之誘誨右序爾其茂明嘉學招諸主而教之俾屬籍之英樂
為善而不倦于責賜冠之士崇詩書而不專于武則于汝嘉可慕容丹達
搆文堂集涇州廣銳第三十一指揮都虞候李吉秦鳳路敢補廣銳都虞
候齊青可並持授左侍禁制 初具官某爾久服戎行積有勞勩師司條
奏宜易前班命爾官禁往其懋勉可 王材因殺逆賊王闢邪布賊馬立
功授進義校尉制 初爾頃以捕賊有功應賞中錫書命祇服官禁可矣

永樂大典卷萬三千五百六

壽尊曰堂集曾炎林補並右司制 朕惟文昌乃政事之本有一日萬幾
之繫中臺分左右之聯掌二十四司之事猶振領而裘挈殆舉綱而目張
必得其人乃勝厥任爾炎有當世之志邁錯節盤根始見其長爾猶推古
人所為真璞玉渾金莫名其器俱懋經綸之業備彈中外之勞而用之未
盡其才惟恢乎必有餘地又回翔於省戶宜序進於都公寧唯糾厥稽
違毋俾庶官之曠要使熟於聞見以為待用之賢既爾深知何庸多訓

永樂大典卷之一萬三千五百六